

Inatsisartut suleriaasianni § 37, imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqququtit:

1. Illoqarfinni nunaqarfinnilu sinerissami ataasiakkaani Nukissiorfiit qassinik nødgeneratoreqarpat nød-elværkeqarlutilluunniit?
2. Ullumikkut Avannaata Kommuniani soorlu; Ilulissani, Uummannami, Upernavimmi, Qaanaami nunaqarfiinilu taakkununga attuumassuteqartuni, qanoq annertutigisunik nukissiuutissamaateqarpat?
3. Naalackersuisut Kalaallit Nunaanni innaallagissamik pilersuinermit tamakkiisumik navialasinnaanermut mianernassusermullu nalilersuinermit suliaqarsimappat, ilanngullugu innaallagissiorfiit imaluunniit siammarteriviit atorsinnaajunnaassappata illoqarfiit nunaqarfillu qassit annerusumik eqqugaasinnaanersut?
4. Kalaallit Nunatsinni pinasuartunik nukissiuutissamaatit pioreersut qassit nalilerneqarpat naammanngitsutut ukununga ingerlatsiinnarsinnaanissamut; inuiaqatigiinni atuuffiit pingarnerit, napparsimmaviit, utoqqaat illui, nalunaarasuartaateqarneq, imermik pilersuisinnaaneq & upalungaarsimaneq?
5. 2026-mi nukissiuuteqarnermut, pinasuartumik nukissiuutit & innaallagissanut sillimmataasivinni pilersitsinissamut aningaasaliissutit, Kalaallit Nunaanni piffikkaartumik qanoq agguataarneqarnissaat naatsorsuutigineqarpa?
6. Qaqugu Naalackersuisut nukissiuuteqarnermit upalungaarsimaneq & pinasuartumik nukissiuutit pillugit tamakkiisumik nassuiaammik saqqummiussinissaat naatsorsuutigineqarpa?
7. Naalackersuisut ilisimanerpaat naatsorsuutigineqartoq Uummannami nukissiorfiusoq siunissaq ungasinnerusoq eqqarsaatigalugu naammanngitsoq, aamma nukissiorfiliortoqarnissaata tungaanut upalungaarsimanermut tunngatillugu suut pilersaarutigineqarpat?
8. Uummannami, Upernavimmi, Qaanaami Avannaata Kommunianilu innaallagissamik pilersornerini sivitsortumi qamittuukulanerit Naalackersuisut

**nalilersornikuunerpaat, aamma qanoq ittunik pinaveersaatitut iliuusissanik
pilersitsisoqarpa?**

(Inatsisartunut ilaasortaq Jens NapãtôK', Naleraq)

Tunggavilersuut:

Innaallagissamik pilersuinerup aalajaatsuunissaa inuiaqatigiit ingerlanissaannut tunggaviusumik piumasaqaataavoq. Sarfamik pilersuineq ilaatigut imermik pilersuinermut, attaveqaqatigiinnermut, peqqinnissaqarfimmut, paaqqinniffinnut, atuarfinnut, nerisassanik uninngasuuteqarnermut, inuussutissarsiornermut inuiaqatigiillu ataatsimut isumannaatsuunerannut qitiulluinnartuuvoq. Ukiuni kingullerni ingerlatsinermi akornusersuutit, kingullermillu Uummannami innaallagissiorfimmi ikuallattoqarnera, takutitsipput sarfamik sivisuumik qamittoornermi inuiaqatigiit qanoq qajannartigisut. Tamatuma peqatigisaanik paasissutissat saqqummerput Uummannami maanna innaallagissiorfiup siunissami ungasinnerusumi pilersuinissamik pisariaqartitsineq matussusersinnaasutut naatsorsuutigineqanngitsoq, nutaamillu innaallagissiorfissamik pilersaarusiortoqarnera aatsaat aallartilaarluni. Taamaattumik aalajangersimasumik aaqqiissutissap pilersinnissaanut ukiut arlallit ingerlasinnaapput.

Tamaammat pissusissamisoorpoq apeqquteqarneq, piffissami ikaarsaariarfiusumi innuttaasut inuiaqatigiillu atuuffii qitiusut isumannaarsarniarlugit upalungaarsimanermut innaallagialiutit, sillimmatita allat, kingoraartissat upalungaarsimanermullu pilersaarutit naammannersut. Pingaartumik avannaani nunaqarfiillu isorliunerusut sivisuumik sarfaaruttoornerit kingunerluuteqarsinnaapput, tassami periarfissat allat killeqakkajuttarmata, ikiorneqarnissamullu sillimmatitullu atorussanut isorartussutsit annerusarlutik. Tamatuma peqatigisaanik nukissiuuteqarnermut tunggasuni upalungaarsimanerup piorsarnissaanut 2026-mi aningaasaliissuterpasut immikkoortinneqarsimapput, tamatumunnga ilaallutik upalungaarsimanermut innaallagialiutinik pisineq uninngasuuteqarsinnaanermillu pilersitsineq. Taamaattumik suliniutit taakkua nuna tamakkerlugu qanoq iluaqutaassanersut, kiisalu pilersuinermi isumannaatsuunerme sumiiffiit suli naammaginangitsutut nalilerneqarnersut qulaajarneqarnissaat naleqquppoq.

Tunggavigisaq tamanna aallaavigalugu Naalakkersuisut Kalaallit Nunaanni nukissiornermi upalungaarsimaneq pillugu ataatsimut naliliinerat kissaatigineqarpoq, tamatumunnga ilaallutik upalungaarsimanermut innaallagissiorfiit, sillimmatitut piginnaasat, qajannartut kiisalu Avannaata Kommuniani nunallu sinnerani pitsanngorsaatisat pilersaarutaasut sumut killinnerat. Inatsisartut innuttaasullu inuiaqatigiit atuuffii qitiulluinnartut



attatiinnarneqarsinnaanerat tatigissallugu qitiulluinnarpoq, aamma nunatsinni sivilisuumik qamittoornerit annertunerusumik eqquissagaluarpataluunniit.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.